



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ**  
**ԼՈՌԻ ՄԱՐԶ**  
**ՇԻՐԱԿԱՄՈՒՏԻ ՀԱՄԱՅՆՔԱՊԵՏԱՐԱՆ**

գ. Շիրակամուտ

№ Ե -03/207

«14» 10. 2019թ

ԼՈՌԻ ՄԱՐԶՊԵՏ  
ՊԱՐՈՆ Ա.ՂՈՒԿԱՍՅԱՆԻՆ

Հարգելի պարոն Ղուկասյան

Ներկայացնում եմ Շիրակամուտ համայնքի ղեկավարի թիվ 56-Ա և 57-Ա որոշումները:

Առդիր 2 էջ::

Համայնքի ղեկավար՝  Ա.Երանոսյան





**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՒՈՒ ՄԱՐԶԻ  
ՇԻՐԱԿԱՄՈՒՏ ՀԱՄԱՅՆՔԻ ՂԵԿԱՎԱՐ**

☒ Հայաստանի Հանրապետության  
Լոռու մարզ, Շիրակամուտ համայնք

☎ 0255 6-15-01

**Ո Ր Ո Շ ՈՒ Մ**

„09” հոկտեմբերի 2019 թվականի N56- Ա

**Գ.ՆԱՍՆՅԱՆԻՆ ՈՒՂԱԿԻ ՎԱՃԱՌՔՈՎ ՀՈՂԱՄԱՍ ՕՏԱՐԵԼՈՒ ՄԱՍԻՆ**

Հաշվի առնելով Շիրակամուտ համայնքի բնակիչ Գագիկ Նասյանի դիմումը՝ Շիրակամուտ համայնքի սեփականություն հանդիսացող 06-087-0062-0011 ծածկագրի տակ գտնվող հողամասը ընդլայնման նպատակով ուղղակի վաճառքով գնելու մասին, Շիրակամուտ համայնքի ավագանու 20.09.2019թ.-ի թիվ 27-Ա որոշումը և ղեկավարվելով ՀՀ Հողային օրենսգրքի 63-րդ հոդվածի 2-րդ կետով, 66-րդ հոդվածի 1-ին մասի 8-րդ կետով, „Տեղական ինքնակառավարման մասին” ՀՀ օրենքի 35-րդ հոդվածի 16-րդ կետով և ելնելով ՀՀ կառավարության 26.05.2016թ. թիվ 550-Ն որոշման 1-ին մասի 3-րդ կետի պահանջից և նկատի ունենալով, որ ընդլայնվող հողամասը օտարվում է հասարակական կառուցապատման նպատակով և հնարավոր չէ որպես առանձին գույքային միավոր օտարել հրապարակային սակարկությունների միջոցով,

Որոշում եմ

1. Շիրակամուտ համայնքի 06-087-0062-0011 ծածկագրի տակ գտնվող 255,2 քառ.մ հողամասը (մեկ քառ.մետրը 222 դրամ կադաստրային արժեքով) ուղղակի վաճառքով օտարել Գագիկ Կառլենի Նասյանին:
2. Ուժը կորցրած ճանաչել Շիրակամուտ համայնքի ղեկավարի 19.04.2019թ. „Գ.Նասյանին ուղղակի վաճառքով հողամաս օտարելու մասին” թիվ 35-Ա որոշումը:
3. Գ.Նասյանի հետ կնքել առք ու վաճառքի պայմանագիր:
4. Հանձնարարել գլխավոր մասնագետ Հ.Իգիթխանյանին՝ փոփոխություն կատարել համայնքի հողային փաստաթղթերում և հաշվեկշռում:
5. Սույն որոշման մասին տեղյակ պահել Գ.Նասյանին:



Համայնքի ղեկավար՝ *Անտրոնյան*

Ա.Երանոսյան



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԼՈՒՈՒ ՄԱՐԶԻ  
ՇԻՐԱԿԱՄՈՒՏ ՀԱՄԱՅՆՔԻ ՂԵԿԱՎԱՐ**

☒ Հայաստանի Հանրապետության  
Լոռու մարզ, Շիրակամուտ համայնք

☎ 0255 6-15-01

**ՈՐՈՇՈՒՄ**

„11“ հոկտեմբերի 2019թվականի N 57-Ա

**06-087-0012-0013 ԾԱԾԿԱԳՐԻ ՏԱԿ ԳՏՆՎՈՂ ԲՆԱԿԵԼԻ ՏԱՆ, ԳՈՄԻ ԵՎ ՀՈՂԱՄԱՍԻ ՆԿԱՏՄԱՍԲ ՎԱՂԱՐՇԱԿ ՄԻՇԱՅԻ ԵՂԻԱԶԱՐԱՅԱՆԻ ՍԵՓԱԿԱՆՈՒԹՅԱՆ ԻՐԱՎՈՒՆՔԸ ՃԱՆԱԶԵԼՈՒ ԵՎ ՓՈՍՏԱՅԻՆ ՀԱՍՑԵ ՏՐԱՄԱԴՐԵԼՈՒ ՄԱՍԻՆ**

Հիմք ընդունելով քաղաքացի Վաղարշակ Միշայի Եղիազարյանի դիմումը, 13.11.1997թ. գրանցված սեփականության վկայագիրը, 01.09.2005թ. թիվ 1211 ըստ կտակի ժառանգության իրավունքի վկայագրերը, հողամասի և շենք շինությունների համար կազմված հատակագծերը, ՀՀ կադաստրի կոմիտեի կողմից տրված Կ-06082019-06-0067 որոշումը՝ ղեկավարվելով ՀՀ Քաղաքացիական օրենսգրքի 188-րդ հոդվածով, „Տեղական ինքնակառավարման մասին“ ՀՀ օրենքի 42-րդ և 43-րդ հոդվածներով, „Իրավունք հաստատող փաստաթղթերը չպահպանված անհատական բնակելի տների կարգավիճակի մասին“ ՀՀ օրենքի 2-րդ և 3-րդ հոդվածներով, ՀՀ Հողային Օրենսգրքի 60-րդ և 64-րդ հոդվածներով, ՀՀ կառավարության 2005թ. դեկտեմբերի 29-ի թիվ 2387-Ն որոշմամբ,

ՈՐՈՇՈՒՄ ԵՄ

1. ՀՀ Լոռու մարզի Շիրակամուտ համայնքի 06-087-0012-0013 կադաստրային ծածկագրի տակ գտնվող 0.12363 հա մակերեսով հատկացված հողամասի և այդ հողամասի վրա գտնվող այլ անձանց իրավունքները և օրենքով պահանջվող շահերը չխախտող, առանց քաղաքաշինական նորմերի և կանոնների էական խախտումների իրականացված, հարկադիր սերվիտուտ պահանջելու իրավունք չառաջացնող մինչև 2001թ. մայիսի 15-ը կառուցված բնակելի տան և գոմի նկատմամբ ճանաչել և վերականգնել Վաղարշակ Միշայի Եղիազարյանի /ծնված 20.01.1964թ./ սեփականության իրավունքը:

2. Վերը նշված գույքի զբաղեցրած հողամասը չի գտնվում ՀՀ հողային օրենսգրքի 60-րդ հոդվածով սահմանված հողամասերի ցանկում, չի հակասում քաղաքաշինական նորմերին, չի առաջացնում սերվիտուտ:

3. Հողամասի սահմանները որոշվում են համայնքի ղեկավարի կողմից հաստատված հատակագծով:

4. Անշարժ գույքին տրամադրել փոստային հասցե՝ ՀՀ Լոռու մարզ Շիրակամուտ համայնք 8-րդ փողոց, թիվ 48 /բնակելի տուն/:

5. Ուժը կորցրած ճանաչել համայնքի ղեկավարի 26.07.2019թ. թիվ 46-Ա որոշումը և որոշման հավելված հանդիսացող հատակագծերը:

6. Օժանդակ շինություն հանդիսացող գոմը կառուցված է եղել նկուղային հարկով, այն վերակառուցման երբևէ չի ենթարկվել և չի եղել մեկ հարկանի կառույց: Սխալը առաջացել է նկուղային հարկի չափագրումը չկատարելու արդյունքում:

7. Սույն որոշումը ուժի մեջ է մտնում ընդունման պահից և ենթակա է պետական գրանցման::

ՇԻՐԱԿԱՄՈՒՏ ՀԱՄԱՅՆՔԻ ՂԵԿԱՎԱՐ՝  ԵՐԱՆՈՍՅԱՆ

